

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





勝軍化世百喻伽他經

六道伽陀經

宋西天中印度惹爛馱囉國三藏明教大師天息災奉 詔譯

宋三藏傳教大師賜紫沙門法天奉 詔譯

勝軍化世百喻伽他經、六道伽陀經



清刻龍藏佛說法變相圖

二經同卷

勝軍化世百喻伽他經

六道伽他經

則六

勝軍化世百喻伽他經

第六

宋西天中印度耆爛駄羅國三藏明教大師天息奉詔譯

過去僊人酈娑等 典籍章句無不說
 我今自詠悅愚懷 略誦伽他為百喻
 行恩行義行賢德 無我無慢無怯弱
 真實慈悲可重師 堪作上人出離行
 雖然貧下存剛志 設身富貴亦柔和
 若遇強敵而勇力 此即名為大人相
 少年行善人希有 人來求者歡喜與
 若人稱讚我羞聞 彼等之人亦難得

| | |
|---------|---------|
| 欲求美稱先求法 | 法上精心德自生 |
| 一切戒行堅持密 | 彼人世間甚希有 |
| 天然性善言亦善 | 善人惡人各盡知 |
| 他或有過與藏蓋 | 此等智人世難得 |
| 火性煖兮本自熱 | 月性清涼亦復然 |
| 刹帝利族名稱上 | 彼等下族何得怪 |
| 親眷難危須救濟 | 他人有難亦復然 |
| 竭力爲人情不二 | 此中活命名正命 |
| 布施忍辱及明力 | 調伏諸根語言善 |
| 此爲聖者真莊嚴 | 金寶莊嚴如擔重 |
| 世間未曾有一物 | 不被無常破壞空 |
| 惟有無爲寂靜德 | 經劫凝然得常住 |
| 善哉形色身端正 | 而具崇修德行光 |
| 譬如明月在當空 | 清淨光明照樓閣 |
| 富貴行檀一切人 | 識心成就無邊法 |

| | |
|---------|---------|
| 勇力救護劣弱者 | 善哉此德真良善 |
| 德者重德愍無德 | 愚者輕德而捨去 |
| 智如紅日放炎光 | 愚似星光而掩耀 |
| 賢人能護身諸過 | 一切修崇德行高 |
| 少若縱心犯一過 | 積修多德亦皆失 |
| 惡人遠離於戒德 | 常欲親近不善人 |
| 如捨清涼功德池 | 而入稠濁不淨水 |
| 塗油身上要除垢 | 除垢復須洗去油 |
| 譬如作事要成功 | 若得功成捨所作 |
| 惡人恒惡喻黑蛇 | 惡人迷逸如醉象 |
| 善人怖畏心傷痛 | 惡人顛倒情忻悅 |
| 大火亘天難便滅 | 深崖無底莫能知 |
| 審慧善觀危惡事 | 深行信善無疑謗 |
| 落崖入火大危嶮 | 或有身存復起行 |
| 若人墮入惡趣中 | 惡趣深泉不可出 |

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



| | |
|---------|---------|
| 大水洪波不可漂 | 大火熾焰不可燒 |
| 強惡群賊不可奪 | 是彼世間最上財 |
| 下劣之人恃有財 | 中品之人無所恃 |
| 中人見財略悅心 | 劣人恃財世最上 |
| 一切種族形色德 | 同行親眷與朋友 |
| 一一不知何所來 | 惟務貪愚好財利 |
| 富者妄言人為實 | 貧人實語却為非 |
| 諂誑順恃無真行 | 賢善之人聞愧耻 |
| 有財豪貴而無德 | 喻如有德人稱讚 |
| 無財貧下德行全 | 愚者無知却誇毀 |
| 勇猛德行有如無 | 是彼善人真覺觀 |
| 離財守道處清貧 | 親眷輕貧實作妄 |
| 屠兒富貴讚真實 | 上人無財為下劣 |
| 親眷朋友順世情 | 祇奉屠酷無善惡 |
| 衆知惡趣沉淪嶮 | 受罪中間苦百般 |

| | |
|---------|---------|
| 乞者往來希濟給 | 全無輟惠固違情 |
| 乞人不遂逆其情 | 忿意舍瞋嘆所恨 |
| 此人心硬語言慳 | 捨利不如而捨命 |
| 此人慳鄙癡迷重 | 拯救行檀總不知 |
| 藏貯財帛終散壞 | 苦行惠施永堅牢 |
| 一人如是護多財 | 愚迷轉厚無思慮 |
| 受苦寧知虛妄慳 | 多人護物苦平等 |
| 不使不用不與人 | 殊無知此善好事 |
| 金銀積聚滿屋中 | 坑盛不淨有何別 |
| 貧窮行施真檀度 | 說彼名為最上人 |
| 富貴微捨少財帛 | 如河涓滴誰不解 |
| 若人依法行不乏 | 好施如同好女色 |
| 若施餘財行間續 | 感果虧盈亦如是 |
| 清淨心田事法王 | 少年戒德喻華香 |
| 慈心柔軟如閨女 | 適悅莊嚴大行芳 |

| | |
|---------|---------|
| 禮叅聖境行檀施 | 精進多聞受苦辛 |
| 軌則若虧無戒行 | 前修多善並捐功 |
| 今時名稱人知重 | 來世生天衆所欽 |
| 福壽遠延恒快樂 | 皆從持戒得成功 |
| 常聞極苦三塗獄 | 恒守威儀戒德圓 |
| 壽盡浮生捨命時 | 琰魔惡趣我無怖 |
| 城隍聚落與林間 | 或有愚迷或智慧 |
| 假使知法不知法 | 若求善逝須持戒 |
| 堅持禁戒令清淨 | 恒須親近善知識 |
| 如法熏修善業圓 | 一切功德皆集聚 |
| 持戒法利獲安樂 | 若意思迷有毀傷 |
| 德命刹那即便滅 | 智者何緣而飲酒 |
| 彼或飲酒彰愚劣 | 究竟爲非無善名 |
| 忽然倒地喻無常 | 染汙盈身成不淨 |
| 雖然親眷同歡飲 | 醉了相違便害命 |

| | |
|---------|---------|
| 如是過失利那間 | 說此酒毒勝毒藥 |
| 得罪多因姪欲行 | 真如捨命尚牽心 |
| 一切欲情無善益 | 何用癡迷募女人 |
| 若樂自妻求適悅 | 由常貪愛可合宜 |
| 於他妻妾妄追求 | 當感孤單心怖畏 |
| 血肉筋髓皮膚蓋 | 內外都來不淨身 |
| 自身妻子猶非分 | 他人婦女豈合貪 |
| 若人潔志無姪欲 | 知此和合如幻夢 |
| 是故遠離於女人 | 而得心安離迷妄 |
| 女人實可爲適悅 | 富貴驕奢亦復然 |
| 親眷共同生愛戀 | 命當不久即無常 |
| 愚人一向增貪愛 | 智者思惟總是虛 |
| 如向愛塵而樂住 | 何時出離得菩提 |
| 修行勿憚於勤苦 | 彼後還招安樂身 |
| 應是善言真利益 | 服行可喻妙良藥 |

一切事行多明了 過失危亡盡可知
若是合行彼可行 善事云何有蓋覆
若人修作前程事 先除邪亂正思惟
決定後時無過欲 自然安隱苦不生
若修善業令增長 一心寂靜離浮囂
如有冤家煩惱病 自然除捨絕愚癡
惡口兩舌心下劣 愚人縱意任情行
豈知孔雀色嚴德 可喻狼狗烏鵲噪
訶責愚癡無正解 讚揚精進戒施門
我說有人行此行 集福安身而最上
自在法音同歌樂 無心忻樂更何憑
汝等有情若棄背 爲是旁生爲是人
爲利非利都不悟 是實無實俱不知
如是瞑然無了別 雖具人形同畜生
不分賢善與愚癡 豈辯野狂異師子

並無勝劣一般看 智者暫時勿共住
不言自聖不愚癡 不作兩舌不我慢
難知理上有所知 說是婆羅門莊嚴
一心細意修真行 過失恒時不受行
我慢惡人興鬪諍 如是色德我非有
愚癡心內懷顛倒 慈忍全無兇猛多
以此豪強諸過失 執爲自德勝他人
出家勝道無心重 善友全然不敬親
師教未曾伸供養 惟親鬪諍大愚癡
天邊圓月終須缺 山下華芳不久凋
人世無常何異此 須諍人我擬何爲
女人本性終無實 障礙人修善業因
阿末羅果有其核 此是世間三種過
尊重法師叅聖跡 心行知足懷悲智
如是五種世間事 若言難作亦易作

| | |
|---------|---------|
| 若人知法恒行善 | 復能尋謗善朋志 |
| 喻如砂內揀真金 | 一切有情皆知重 |
| 愚劣同行不自由 | 自然無德無知重 |
| 設復出家必暴惡 | 縱然活命無善名 |
| 何以不信於朋友 | 何以不知於天人 |
| 何以不行於方便 | 何以自作於難學 |
| 慳人何處解布施 | 流沙何處而有水 |
| 不淨何處有馨香 | 惡人何處有恩義 |
| 憎愛之人何有德 | 冤家何處有善人 |
| 快樂何人解知足 | 壽命何人得久長 |
| 姪女囂浮無厚信 | 癡人愚鈍無分別 |
| 富貴暫榮誰得久 | 業因決定難破壞 |
| 婆羅門得食歡喜 | 孔雀聞雷聲歡喜 |
| 善人救護他歡喜 | 愚迷破壞時歡喜 |
| 愚迷愛樂行鬪諍 | 如貧得寶心歡喜 |

| | |
|---------|---------|
| 賢人聞彼善言詞 | 如蜂聞彼華香氣 |
| 有德之人德是親 | 有過之人過是冤 |
| 賤使之人賤是苦 | 知足之人足是樂 |
| 何憚巡門持鉢化 | 豈辭力役在他方 |
| 終不於身著我見 | 恒調心行善柔和 |
| 低心無愛無人我 | 以鹿無家住野林 |
| 任是富豪及尊貴 | 應無少事向他求 |
| 棄捨妄緣諸快樂 | 都無繫礙自由閑 |
| 活命性同於鵝鴨 | 長於清淨水中行 |
| 王城聚落人居止 | 八德多無一二存 |
| 悲羞清淨譏嫌耻 | 知法無我快樂力 |
| 連山谿澗巖巖窟 | 食果皮衣伏五根 |
| 寂靜野林堪適悅 | 何須聚落要求人 |
| 居山不見他門戶 | 自在無拘快樂行 |
| 住彼心中所得利 | 降伏根識命長生 |

| | |
|---------|---------|
| 我今教化汝等已 | 合掌調柔心意聽 |
| 一切法藏真安樂 | 彼須忻樂一心求 |
| 汝知善報一人身 | 若要利那不可得 |
| 得後愚癡不作福 | 依前自賺自沉淪 |
| 水滴地上非久住 | 可喻人生命不堅 |
| 三種無礙誰能作 | 若是智者方能行 |
| 如是彼若隨其力 | 作意三種少分知 |
| 喻如野鴿觀自身 | 孔雀莊嚴非勝我 |
| 無常生死誰人愛 | 智慧何曾觀五根 |
| 此身雖住終無久 | 說彼虛生在世間 |
| 如是琰魔人盡見 | 衆生受苦幾人逃 |
| 老死無侵安樂處 | 云何汝等不能行 |
| 無常情物應皆定 | 惟務貪生並不知 |
| 前路無憑光影速 | 緣何兀兀不思惟 |
| 父母妻子朋友等 | 和合虛幻暫時間 |

| | |
|---------|---------|
| 正法親眷此堪依 | 能去無常生死苦 |
| 多求生得煩惱實 | 護身生得怖畏實 |
| 破壞生得憂愁實 | 智者若求有何利 |
| 彼若不修真如行 | 輪迴生死幾時休 |
| 智者恒觀此世間 | 都成幻化愚癡力 |
| 戲言妓唱皆無實 | 貪欲追求喻疥瘡 |
| 損命不堅如幻夢 | 何如佛法用身心 |
| 但是為非所作罪 | 並皆平等壞其身 |
| 世間何彼心愚暗 | 不解思惟罪惡生 |
| 所懷善惡心中事 | 護世天人並總知 |
| 心若不能思惟此 | 何時意地消諸罪 |
| 隨緣坐住受用具 | 稍可身依得暫時 |
| 此假助緣行善利 | 其餘資具人煩惱 |
| 雖觀莊嚴宮殿等 | 惟便麤惡床卧具 |
| 知足自然心喜樂 | 如觀醜女勝天女 |

須知世上有爲財 水火盜賊俱可奪
如是欲求他世福 莫求此等不堅財
論義工商農種士 不依法則勿須行
應知此事合如然 離福自然不成就
若能作善作不善 應知非是別餘人
並是自身業所造 由是衆生一切得
如是一切所作業 若能後有不復生
生老病苦及無常 續續未委從何來

勝軍化世百喻伽他經

則六

九

六道伽陀經

宋三藏傳教大師賜紫沙門法天奉 詔譯

| | | |
|-------|-------|-------|
| 歸命一切佛 | 及諸菩薩衆 | 願開正智慧 |
| 憶念佛功德 | 歸依三界尊 | 身口意三業 |
| 所作善不善 | 爲彼作分別 | 彼人受果報 |
| 無有主宰者 | 三界天中尊 | 願起於悲智 |
| 廣爲世間說 | 我今聞彼說 | 如依於輪迴 |
| 觀察業果報 | 佛說惡道因 | 貪瞋癡爲本 |
| 若人行殺害 | 彼業隨纏縛 | 決定墮等活 |
| 五百歲方出 | 彼彼等活者 | 重重受生死 |
| 是故說等活 | 父母及親姻 | 眷屬善知識 |
| 欺慢若憎嫌 | 墮落於黑繩 | 熾焰麤澁繩 |
| 纏縛有情體 | 如鋸解樹木 | 是故名黑繩 |
| 若墮於炎熱 | 猛火競來燒 | 焰焰相接續 |
| 令彼罪業人 | 奔聚都一處 | 燒然苦惱深 |

| | | |
|-------|-------|-------|
| 是故說炎熱 | 修習非法行 | 惱亂於大眾 |
| 說彼無有盡 | 墮彼極炎熱 | 入此惡道已 |
| 熾極火燒煮 | 熱苦受長時 | 是名極炎熱 |
| 猪羊狼兔等 | 及餘諸物命 | 如是行殺害 |
| 而墮於衆合 | 墮彼惡趣已 | 衆山合身碎 |
| 痛苦不可當 | 故得名衆合 | 若起身口意 |
| 而發諸煩惱 | 欺誑於有情 | 墮落於號叫 |
| 入彼惡道已 | 暴惡火燒身 | 叫苦聲不絕 |
| 是故名號叫 | 聖賢淨行師 | 所有財寶等 |
| 若貪若偷盜 | 而墮大號叫 | 若諸偷盜業 |
| 感大火燒身 | 叫喚出大聲 | 是名大號叫 |
| 作大功德人 | 及與父母等 | 毀謗而返恩 |
| 決定墮無間 | 持罰骨髓碎 | 受苦純無間 |
| 身命報等爾 | 是故名無間 | 互相愛憎嫉 |
| 并及相殺害 | 感彼惡趣身 | 手生鋒刃甲 |

則六

十

| | | |
|-------|-------|-------|
| 如是鐵爪甲 | 甲長十六指 | 暴惡熾焰身 |
| 抓獲相損害 | 故名鋒刃甲 | 愚癡邪姪者 |
| 登彼鐵叉樹 | 大身鐵牙鬼 | 醜惡身焰熾 |
| 逼惱恒無盡 | 復有鐵鳥鳥 | 獠狐諸惡獸 |
| 食噉彼有情 | 復生劔葉林 | 割截於罪人 |
| 叫喚出惡聲 | 痛苦不可忍 | 諂誑妄言者 |
| 吞食熱鐵丸 | 而復飲洋銅 | 重重無暫住 |
| 輕慢若欺他 | 鐵牙惡獸等 | 來食身上肉 |
| 受苦俱胝歲 | 愛行非法行 | 墮入洋銅河 |
| 大熾洋銅汁 | 燒煮或浮沉 | 又復自愚迷 |
| 勸作非法行 | 徃彼鐵輪獄 | 而被鐵火輪 |
| 碾拶身無數 | 或以鐵磨磨 | 或上刀山等 |
| 若人說邪道 | 破正法為非 | 滿道排鋒刃 |
| 令彼徃來行 | 業力令身大 | 驅逐聚一處 |
| 四面山石合 | 如指甲拶風 | 若壞修習行 |

| | | |
|-------|-------|-------|
| 遠離正等因 | 僻執心意邪 | 定入由增獄 |
| 暴惡蛆蟲類 | 恒居糞穢中 | 罪者遊履時 |
| 食噉於雙足 | 種植壓油等 | 蠕動多傷殺 |
| 重重卧鐵槽 | 熱鐵棒捶打 | 若起極瞋怒 |
| 造彼諸惡罪 | 死墮琰魔刹 | 具受一切苦 |
| 破結善種子 | 身口意俱罪 | 智者勿作罪 |
| 地獄相如是 | | |
| 地獄道頌竟 | | |
| 牛驢猿猴等 | 鳩鴿鵝鴨身 | 行恚與貪姪 |
| 獲報斯如是 | 豺狼猛虎狗 | 蝮蠍及毒蛇 |
| 瞋忿我慢深 | 獲報斯如是 | 烏鵲鵬鷲等 |
| 蜈蚣足多蟲 | 羆熊貓牛馬 | 龍魚孽路荼 |
| 如是旁生等 | 增益惡三業 | 墜墮琰魔界 |
| 獲報斯如是 | | |
| 旁生道頌竟 | | |

| | | |
|-------|-------|-------|
| 障他布施福 | 偷盜於飲食 | 墮在布怛那 |
| 飢虛為餓鬼 | 愚癡慳鄙人 | 我慢乏禮樂 |
| 求食又無慚 | 死為大癭鬼 | 自不行檀度 |
| 勸他作慳貪 | 而墮餓鬼中 | 腹大咽如針 |
| 慳貪深厚者 | 護財如眼睛 | 貧病與佛僧 |
| 不能施少分 | 亦復不自用 | 父母莫能得 |
| 死墮餓鬼身 | 漿飲永不遇 | 若盜他財物 |
| 施已心生悔 | 亦墮餓鬼身 | 常食於膿唾 |
| 口出惡言語 | 謗毀於賢善 | 墮彼餓鬼中 |
| 口生於火炬 | 慳貪與諍訟 | 惡意窺他財 |
| 墮彼餓鬼中 | 微獲祭祀食 | 或入聚落處 |
| 見彼遺棄食 | 嘔吐涎唾等 | 而恒為美饌 |
| 自行慳障礙 | 離間他行施 | 為鬼鳩擊茶 |
| 惡形生膿血 | 傷殺羣生類 | 自食與他食 |
| 墮鬼羅刹安 | 愛食鬻香料 | 雖然施飲食 |

| | | |
|-------|-------------------------|-------|
| 少分懷瞋恚 | 墮鬼捷闍婆 | 作樂諸天愛 |
| 若愛於兩舌 | 鬪亂行瞋恚 | 墮鬼畢舍佐 |
| 頭面而醜惡 | 雖愛行檀施 | 而恒苦惱人 |
| 墮彼惡趣中 | 為彼毋馱鬼 | 自行猛利殺 |
| 教他猛利殺 | 墮彼藥叉身 | 亦復惡猛利 |
| 父母師長等 | <small>則六</small> 所欲多違背 | 墮彼藥叉官 |
| 勇健行暴惡 | 慳貪瞋果報 | 餓鬼藥叉等 |
| 苦樂隨自因 | 諸惡不須作 | |
| 餓鬼道頌竟 | | |
| 天及脩羅人 | 福壽有差等 | 樂求生天者 |
| 堅持八齋戒 | 快樂壽命長 | 遠離疾病苦 |
| 於禁若破犯 | 少分樂生天 | 而墮於脩羅 |
| 部多為眷屬 | 雖不盜他財 | 纖毫不行施 |
| 恪惜廣慳貪 | 而為守財鬼 | 不盜亦不施 |
| 不慳亦不貪 | 決定得人身 | 衣食多辛苦 |

| | | |
|-------|-------|-------|
| 不盜不貪瞋 | 守分而安住 | 美味施聖賢 |
| 彼得生人世 | 壽命具色力 | 吉祥而無病 |
| 恒時行施食 | 淨信具慚愧 | 得富貴端嚴 |
| 廣饒資畜等 | 若施田宅等 | 及造僧伽藍 |
| 令彼心歡喜 | 於自彼身中 | 一切隨所欲 |
| 若施於鞋履 | 供養佛僧等 | 遊行得安樂 |
| 常獲車騎乘 | 若於曠野中 | 施水作泉井 |
| 而復作陰涼 | 令彼無疲渴 | 當獲於妙華 |
| 吉祥廣嚴飾 | 柔軟身圓滿 | 若於傳法人 |
| 捨施童子等 | 後復得為人 | 聰明多智慧 |
| 若施於藥餌 | 當離一切病 | 若施於燈明 |
| 眼目長清淨 | 若施於音樂 | 口生美妙音 |
| 若施卧具等 | 當感身安樂 | 若施旁類食 |
| 長壽多色力 | 若放女出家 | 眷屬獲增長 |
| 若以田地施 | 得華果流泉 | 若怖於輪迴 |

則六

十三

| | | |
|-------|-------|-------|
| 親覲於賢聖 | 所須隨供養 | 精進常恭敬 |
| 善破於煩惱 | 當得安樂果 | 悲愍不慳悋 |
| 輟已而施他 | 定感富饒果 | 衣食自豐足 |
| 如彼四時中 | 隨時行布施 | 崇重具儀式 |
| 當獲一切福 | 偷盜他財物 | 自己作所須 |
| 違背於真空 | 煩惱不捨離 | 不作有相心 |
| 依如行布施 | 如是布施果 | 無為大安樂 |
| 如人離婬欲 | 童男等不生 | 遠出至他方 |
| 無思無罣礙 | 若人著婬欲 | 心行無返復 |
| 狂亂自耽著 | 永墮於三塗 | 嫌棄於女人 |
| 修戒薄癡愛 | 復至命終時 | 猶如破毒氣 |
| 若行正等因 | 不捨於梵行 | 精進得吉祥 |
| 天人恒供養 | 堅固不迷亂 | 無飲酒妄言 |
| 出語常真實 | 獲名聞安樂 | 種種造飲食 |
| 供養和合眾 | 當感善眷屬 | 同生不動國 |

| | | |
|-------|-------|-------|
| 互相作承事 | 歡喜意無違 | 觀察諦理空 |
| 不欺不顛倒 | 苦惱永已盡 | 安樂而解脫 |
| 若好於戲論 | 歌舞著頑愚 | 我慢恃端嚴 |
| 欺陵於貧賤 | 當受背偃身 | 瘡瘕形矧陋 |
| 疾病鎮纏縛 | 語言而不遜 | 罪苦轉彌深 |
| 無因得安樂 | 寂靜心恬澹 | 一切善出生 |
| 報應果不虛 | 速成離苦道 | |
| 人趣道頌竟 | | |
| 諂誑行毀禁 | 毒害闢諍深 | 廣縱於無明 |
| 必墮脩羅趣 | | |
| 脩羅道頌竟 | | |
| 棄名利歡樂 | 遠離於親眷 | 持禁中下品 |
| 生彼四王天 | 父母親族等 | 種種作供養 |
| 遠諍奉律儀 | 獲生忉利天 | 慈喜無傷殺 |
| 和顏離愛憎 | 純善守尸羅 | 得生夜摩界 |

則六

十四

| | | |
|-------|-------|-------|
| 多聞持法教 | 修慧求解脫 | 積德具威儀 |
| 獲生於覩史 | 若人自出家 | 布施堅持戒 |
| 令彼大安樂 | 得生變化天 | 上根有情類 |
| 持戒亦最上 | 功德超越前 | 生他化自在 |
| 持戒生天上 | 禪定亦如是 | 智慧若重修 |
| 牽引復生慧 | 善惡業果報 | 我說無虛謬 |
| 由善得安樂 | 作惡獲苦惱 | 老病死輪轉 |
| 果報自如是 | 審觀此三種 | 勿愛須棄捨 |
| 求福遠離罪 | 了絕於色聲 | 通達真實義 |
| 必至大解脫 | | |
| 天趣道頌竟 | | |

六道伽陀經

則六

十五

音釋

蠕 撲 抓 尾 耶
 蟲 乳 乙 悲 切 尾 耶
 動 充 陌 厄 切 耶
 貌 切 切 切 輟
 餌 手 與 止 陟
 食 忍 取 也 劣 切
 也 止 也 同 切
 切 獾 犴 魚 肝
 作 獾 似 切 胡
 訓 許 狐 而 地
 狐 云 小 野
 即 切 獾 抓
 鴝 鴝 狐 正 撲
 也 也 也

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

